

Prvi zamjenik visokog predstavnika i supervizor za Brčko Roderick Moore u posjeti Mostaru



Tokom svoje prve zvanične posjete Mostaru, prvi zamjenik visokog predstavnika i supervizor za Brčko Roderick Moore u odvojenim susretima se sastao sa gradonačelnikom Ljubom Bešlićem i predsjednikom Gradskog vijeća Mostara Muratom Ćorićem.

Ambasador Moore je izrazio svoju spremnost za konstruktivnu saradnju sa zvaničnicima Mostara u cilju unapređenja interesa stanovnika grada.

„Želimo da vidimo kako se Mostar razvija i postiže istinski napredak“, rekao je ambasador Moore. „Građani zaslužuju brzo i efikasno formiranje organa vlasti, a nova uprava ne smije gubiti vrijeme, nego se odmah treba posvetiti rješavanju istinskih potreba građana. Jedino s ovim ciljem na umu, i putem dijaloga i kompromisa, Mostar može krenuti naprijed.“